

20 Anivarsario De Palm Island



De Palm Island como facilidad a muestra di ta multi funcional




ORANJESTAD - E grupo mas grandi di persona riba e isla pa un evento en particular te aworaki, a consisti di 1.600 empleado durante e Dia di Famia di Valero. E isla ta adecua y ekipa pa fiestanan tematico como tambe tur tipo di actividad. De Palm Island tambe ta situa

mei-mei di formacionnan fabuloso di rif di coral y esakinan ta habita pa e variedad mas colorido di bida marino y piscanan tropical. E Blue Parrotfish ta esun di mas famoso na e isla. Ta pesey mes el a bira un lugar asina ideal pa practica snorkeling. Fuera di turista, residentenan

local tambe ta haci uso frecuente di e facilidadnan aki pa fiestanan di compania, bruid, gruponan di incentivo, etc.

Riba e isla priva aki, bo ta haya diferente edificio of seccion caminda tin bar, restaurant, tienda di souvenir, diferente spot di lama y varios cushina.



E ta bon pa tene actividadnan durante dia, mescos cu durante anochi.

Destination Management

Atraves di su departamento di Destination Management, De Palm Tours ta specializa den e disenjo y realizacion di

reunion, convencion y otro tipo di eventonan corporativo. Na mas cu un ocasion, De Palm Island a sirbi como sede pa fiesta y reunionnan caminda cada un di esnan asistente a disfruta enormemente, cu un esfuerzo minimo di parti di e compania anfitrión.



De Palm Tours celebrando 20 año.


AIB Bank ta felicita nos cliente De Palm Tours cu nan logro grandi. Nos ta sinti nos mes hopi orguyoso.

Pabien cu boso 20 año di existencia.

Skill on your side
www.aib-bank.com



Sr. Harold Malmberg, un homber di vision pa diversificacion di turismo



ORANJESTAD - Ora cu e refinaria di Lago a sera su portanan na 1985, e empresario Arubiano Harold Malmberg na cabez di De Palm Holdings - a conclui cu turismo lo reemplaza e industria di petroleo como e fuente di entrada y lo bira e pilar di mas importante den e economia di Aruba. De Palm Tours for di co-

mienzo a tuma nota cu tur hende tabata enfoca den construccion di camber di hotel pa e industria turistico, pero ningun tabata trahando riba facilidadnan recreacional y cosnan pa e bishitante haci durante su estadia. Pesey mes e compani a dicidi di combina su servicio di transportacion cu un desaroyo agresivo di su



facilidad recreacional y tambe serviccionan. Di e manera ei ta con inversion den desaroyo di De Palm Island a bira un objetivo.

E ora ei a cumenza busca pa un localidad recreacional, cu e capacidad di duna bishitantenan di Aruba como tambe su habitantenan posibilidadnan unico y innovativo di entretenimento. E innovacion adicional tabata cu e facilidad aki tambe lo ofrece un atraccion turistico nobo y un destino pa e compania su boto, bus, jeep, auto, ATV, etc. E proposito principal tabata pa solidifica e posicion lider di e compania den e industria turistico di Aruba.


Di manera acerta pero mas ainda, exitoso, e proyecto a bira un realidad. Manera el a dem-

ostra den su carera, Sr. Malmberg a crea loke el a propone. Awendia De Palm Island ta un di e atraccionnan turistico mas bishita riba nos isla, no solamente dor di turista, pero tambe dor di nos mesun hendenan. Localnan ta mira De Palm Island como un oasis na cual nan por core hui cada bes cu nan tin mester di relajacion y kier sinti cu nan a bai un lugar leu.

De Palm Island ta un extension logico di e estructura actual di e companianan. E ta ofrece e grupo di companianan di De Palm un oportunidad excelente pa resalta ainda mas nan mesun linja di producto y serviccion. A cambio, e otro miembronan di De Palm ta haci nan contribucion dor di manda constantemente un fluho di cliente pa De Palm Island.




Renobacion y ampliacion di e propiedad ta nifica mas balor pa usarionan



TASTE OF BELGIUM

The only Belgium Chocolate Shop on Aruba



*Pabien De Palm Island
cu boso 20 Aniversario
sirbiendo Pueblo di Aruba
y Turistanan*

post aruba



*Pabien De Palm Island
cu boso 20 Aniversario
sirbiendo Pueblo di Aruba
y Turistanan*

ORANJESTAD - E Blue Parrotfish water park, cu a bira operacional na Juli 2006 ta un di e trabounan mas nobo, grandi y visibel riba De Palm Island. Sin embargo no ta e unico. Bishitantenan frecuente y ocasional por mira, sigur ultimamente, trabounan wordo haci riba e isla. Tur esaki ta bai di acuerdo cu e vision y maneho di De Palm pa mantene e destinacion den un condicion optimal y semper fresco pa su bishitantenan.

Pa crea un parke submarino a zink dos aeroplano chikito y un bus di De Palm Tours creando asina rifnan artificial y haci e area hopi mas atractivo pa bishitantenan. E proyecto aki a keda cla na 2004. Fuera di esey a mehora, y re-modela y re-acondiciona e dos edificio grandi riba De Palm Island.

De Palm Island ta bira un isla 'all inclusive'



ORANJESTAD - Cu e fin di tin mas control riba e cuentanan, De Palm Island a bira un destinacion 'all inclusive'. Bishitantenan ta paga un prijs, cu ta inclui e trip riba e ferry-boat pa bai y bin for di e isla, ekipo di snorkel, tur cuminda y bebida.

E stacionnan di cahera riba De Palm Island a ser elimina y no tin ningun maneho di placa mas un bes cu e pasaheronan yega riba De Palm Island. E unico actividadnan opcional na disposicion ta Seatrek, pagando pa esaki na e tienda local di souvenir y mescos pa e tripnan di scuba.

E sistema aki ta ofrece e bishitantenan di e destinacion un facilidad enorme di por relaha completamente sin tin mester di cada rato saca cuenta of busca cartera pa cumpra algo. Famia y gruponan ta proba di e oportunidad den cual nan sa cu siguridad cu invirtiendo un suma fiho, nan lo por disfruta di mitad of un dia completo cu tur loke nan tin mester. Tur esaki ta bin for di un personal amabel y den un ambiente masha agradabel y tropical.



DE PALM
island



Masha Pabien

De Palm Island ta bin di

PRO-TEC

MECHANICAL CONTRACTORS ARUBA N.V.
Fergusonstraat #70-A - Tel: (297) 582-0787

Cu boso 20 Aniversario

Masha Pabien



DE PALM
island



De Palm Island ta bin di



Paradise Beach Villas
BOUGAINVILLE DEVELOPMENT N.V.

Cu boso 20 Aniversario

Y hopi aña mas di continuacion.

Tur clase di exito y prosperidad riba e bunita dia di aniversario.

De Palm Island tin variedad den entretenimento



ORANJESTAD - E idea cu De Palm Island ta djis beach, cuminda y bebida, mester di bolbe pasa un dia pronto na e destinacion pa asina ripara cu e ta hopi mas cu esey. E isla ta ofrece un variedad di facilidad di entretenimento sea riba santo of bou lama. Na ocasionnan specialmente manera Dia Nacional, Pasco Grandi, etc. ta organiza tambe weganan special manera bingo, domino y otro atraccionnan popular. A continuacion djis algun di e actividadnan fiho cu por

disfruta di dje riba De Palm Island.

Snorkeling

E manera mas liher pa aprecia e colorido precioso di e bida marino, incluyendo e impresionante Blue Parrotfish, ta djis dor di pidi bo ekipo di snorkel y zambuya.

Snuba

Si bo ta prefera, bo por bai un stap mas leu cu Snuba pa ainda mas pret. Esaki ta un



combinacion di snorkeling y scuba diving cu ta hiba bo abou na e awanan cristalino pa explora e mundo submarino.

Sea Trek

Aruba subeiza mundialmente famoso ta extende na e mundo fascinante cu ta haya bou lama.

Y Sea Trek ta e manera mas facil y comodo di explora esaki. Haya un bista serca na e impresionante y colorido bida marino, nunca tabata mas facil. Sea Trek ta mes facil cu cana y hala rosea.

Despues di chill out, bo lo pasa momentonan mas dushi den famia na e Blue Parrotfish Water Park, cu mas di 70 atraccion emocionante, incluyendo seis slide pa laga bo adrenalina core.

Otro Facilidadnan

No worry si bo ta muha un tiki despues di tur e diversion aki. E diferente facilidad, como por ehempel e cambenan di cambia panja y e showers ta na bo disposicion, mientras e miembronan mas hoben di e famia ta keda activo cu un bon wega di volleyball of futbol na e canchanan pa esaki.



Waterpark


De Palm Island ta opera cu cuido pa medio ambiente



ORANJESTAD - De Palm Island ta tuma su responsabilidad den proteccion di medio ambiente di un manera interesante.

Como parti di e mehoracionnan na e producto cu ta De Palm Island, gerencia a laga instala un planta grandi di tratamto di sushi.


E planta aki ta kita totalmente tur bacteria for di desecho humano pa preveni contaminacion di awa y por bolbe usa esaki pa propositonan di mantencion, como por ehempel ora di muha matanan.



ARUBA PORTS AUTHORITY NV



*Pabien De Palm Island
cu boso 20 Aniversario sirbiendo Pueblo di Aruba
y Turistanan*



E atractivo di De Palm Island atrabes di imagen – Pabien pa e 20 Aniversario

ORANJESTAD – Siguiendo conseho di he dicho cu ta bisa: “Un imagen ta bal mas cu mil palabra,” nos ta laga e paisahe y atractivo di e destinacion aki papia pa su mes y na un manera simpel splica pakico e ta asina bon bishita te cu awe e ta cumpliendo 20 aña di existencia. Un pabien grandi ta bai na fundador, gerencia y personal di De Palm Tours y De Palm Island cu e aniversario aki, di parti di directiva y personal di Caribbean Speed Printers, cas editor di corantnan Bon Dia Aruba y Aruba Today.



RIGHT NOW!

Asistencia na De Palm Island ta supera población local

ORANJESTAD – Esey ta algun di e datonan interesante cu a haya for di De Palm Tours. Un atraccion di e magnitud y nivel di calidad aki mester tin un persona capaz y dedica na cabez. Direccion y cordinacion di De Palm Island ta den persona di Eduardo Diaz, kende ta supervisa un personal cu ta bai for di lifeguards te na maintenance y for di bartenders te na diving instructors.

Durante aña 2007, De Palm Island a ricibi un cantidad total di bishita di 120.000 persona. E cantidad ei ta supera e cifra oficial di Censo pa loke ta e población di Aruba. For di esey, un 40% di e clientenan ta local.

Durante su 20 aña di existencia, De Palm Tours a inverti entre 15 y 20 miyon Florin den e desaroyo, mantencion y mehoracion di De Palm Island, un hoyo di atraccion turistico, pero tambe recreativo pa e pueblo di Aruba.

